



Rabu, 21 Juli 2021

Ogen: Ester 4:14



Ula Sinik



Mbarenda lit kuan-kuan ngatakenca “diam itu emas.” Ntah kai gia latar belakangna maka lit istilah enda. Ntah kin perban kalak si sinik tempa buen pemetehna. Ntah pengaruh kuasa dilaki, i ja diberu si mehuli eme diberu si la mbue ngerana i bas nterem jelma. Emaka turah istilah diam itu emas, si erbahanca kikat kalak ngerana bas arusna pe ia mbelasken rananna. Ula nggit bas tubina e, bage nina nini-nininta ngajarkenca. Padahal kerina bas geluhta enda nggo itetapan Dibata tujunna.

Ester kesusuren bangsa Israel si jadi ratu kemberahen Raja Persia. Bas paksa e ia me si iakap lit gegehna guna mbela bangsa Israel si ipertakiken bas masa pemerintahan perbulangen Ester. Tapi tantangna la pang Ester, tapi ngerana mamana : *adi sinik pe kam bas masa bagenda, ugapa pe reh penampat man kalak Jahudi*. Perkatan Mordekhai enda mpeturah ukur Ester, maka ia jadi Kemberahen raja i bas sada alasen, eme mbela bangsana.

Mbue kita mbiar nuriken kebenaran, mbela si benar erkiteken banci jadi si la niarapken jadi banta. Segat ate kalak, ikataken “badia” ras si la mehuli sidebanna. Cubaken si ukurken bas dampar sideban. Maka i bas kita pang ngerana kerna si tuhu-tuhu, si benar, lit kalak tersampat, sorana iwakilken. Kai si la terturikenna sedekah enda lit simpesehsa. Erkiteken si e malem atena, teneng ia, dungna ngataken bujur ia banta. Me ekin kemalemen ate si meganjangna, i bas kita banci ernanam man kalak sideban. Buktina kita erkiniteken la terjeng keperluan ngenca siperjuangken, asa gegehna lit ras kesempatan mari ula sinik i bas kita arus ngerana. Ula sinik adi kalak perlu penampat, ula sinik adi lit kiniladilen terjadi, ula sinik guna njadikan doni enda jadi ingan si mehuli guna iiani.